

6. gr.

11

Nú leiðir stjórnarráð Íslands í byrjun einhverrar aldar hjá sér störf þau, sem því eru ætluð í skipulagsskrá þessari, og ávaxtast sjóðurinn Stígur þá óhreyfður áfram í Söfnunarsjóðnum til næstu aldamóta. 26. jan.

Reykjavík, 2. febrúar 1920.

Eiríkur Briem.

Staðfesting ríkisstjóra á skipulagsskrá fyrir „Minningarsjóð Jakobs Ó. Lárussonar, prests að Holti undir Eyjafjöllum“, útgefin á venjulegan hátt að mandatum af dóms- og kirkjumálaráðherra 28. janúar 1942. 12 28. jan.

Skipulagsskráin er þannig:

SKIPULAGSSKRÁ

fyrir Minningarsjóð Jakobs Ó. Lárussonar, prests að Holti undir Eyjafjöllum.

1. gr.

Sjóðurinn heitir Minningarsjóður Jakobs Ó. Lárussonar, prests að Holti undir Eyjafjöllum.

2. gr.

Sjóðurinn er stofnaður með 100 krónum, og skulu tekjur vera:

- a. Vextir af stofnfé.
- b. Minningargjafir.
- c. Áheit.
- d. Dánargjafir.
- e. Aðrar gjafir, er sjóðnum kunna að berast.

3. gr.

Veita má styrk úr sjóðnum þegar Ásólfskálakirkja verður endurbyggð, og má þá aðeins veita 1/10 hluta þess fjár, sem sjóðurinn hefur öðlzt af óbeinum tekjum, þ. e. gjöfum og áheitum. Tiunda hlutann skal leggja við stofn sjóðsins, ásamt vöxtum og vaxtavöxtum af stofnfé.

4. gr.

Tilgangur sjóðsins er að bæta og prýða kirkjur í Holtsprestakalli.

5. gr.

Styrk úr sjóði þessum má veita kirkjum Holtsprestakalls, sem eru Ásólfskálakirkja, Eyvindarhólakirkja og Stóradalskirkja. Skulu allar kirkjurnar eiga rétt til að njóta 1/10 hluta hinna óbundnu tekna, þegar Ásólfskálakirkja hefur verið endurbyggð, og er stjórn sjóðsins heimilt að ákveða hvernig og hvenær því fé verður skipt.

6. gr.

Stjórn sjóðsins skulu skipa formenn sóknarnefnda Holtsprestakalls.

7. gr.

Um ávöxtun sjóðsins gilda sömu reglur og um ómyndugra fé.

12

28. jan.

Reikningsár sjóðsins er almanaksárið. Skulu reikningar sjóðsins birtir í Lög-
birtingablaðinu.

8. gr.

9. gr.

Leita skal staðfestingar á skipulagsskrá þessari.

Reykjavík, 20. janúar 1942.

Sigríður Anna Jónsdóttir,
Sjafnargötu 12.

13

29. jan.

REGLUGERÐ

um útgáfu og notkun vegabréfa innanlands.

1. gr.

Allir menn, konur og karlar, 12 ára og eldri, sem búsettir eru í Reykjavík og Hafnarfirði, eða dvelja þar 2 vikur eða lengur, skulu ávallt bera á sér vegabréf, er lögreglustjóri gefur út.

Þeir, sem eru 60 ára eða eldri, eru þó undanþegnir ákvæðum þessarar reglu-
gerðar þar til öðruvísi verður ákveðið með auglýsingu.

2. gr.

Skylt er að sýna vegabréf þessi hvenær sem löggæzlumenn krefjast. Einnig geta viðkomandi eftirlitsmenn, svo sem dyraverðir, krafizt þess að vegabréf sé sýnt, ef tiltekinn aldur eða hæfileiki er skilyrði fyrir komu eða dvöl á þeim stað.

3. gr.

Í vegabréfi skulu vera þessar upplýsingar um vegabréfshafa:

1. Fullt nafn hans.
2. Staða eða atvinna.
3. Fæðingardagur og ár.
4. Fæðingarstaður.
5. Heimilisfang.
6. Mynd hans.
7. Nafn hans, ritað eigin hendi.

4. gr.

Lögreglustjóri skal halda spjaldskrá um vegabréf, sem gefin verða út. Spjald-
skráin skal geyma allar sömu upplýsingar og vegabréfið um vegabréfshafa, þ. á m.
mynd hans, svo og aðrar upplýsingar, er lögreglustjóri telur nauðsynlegar.

Hver, sem vegabréf skal bera, er skyldur til að gefa sig fram í skrifstofu lög-
reglustjóra til þess að fá vegabréfið afhent. Skal hann þá afhenda 2 myndir af sér,
er lögreglustjóri tekur gildar, til afnota á vegabréfið og spjaldskrána. Hann skal og
gefa allar þær upplýsingar, sem lögreglustjóri telur nauðsynlegar við útgáfu vega-
bréfsins og samning spjaldskrárinnar.

5. gr.

Brot gegn reglugerð þessari varða sektum allt að kr. 10000.00.